


BT
132
M5

Meis.

DEIMAN
ENSITAS



Class

222.5

Book

567

University of Chicago Library

BERLIN COLLECTION

GIVEN BY

MARTIN A. RYERSON

H. H. KOHLSAAT

BYRON L. SMITH

CHAS. L. HUTCHINSON

C. R. CRANE

H. A. RUST

CYRUS H. MCCORMICK

A. A. SPRAGUE

C. J. SINGER

BREVIS EXPLICATIO

Verf. 27. I. Reg. IIX.,

ex quo

contra Benedictum Spinosam, qui extensionem,
proprietaem divinam, sive Deum esse rem extensam,
in Ethica sua parte II. propos. II.
statuit,

DEI IMMENSITAS

probatur,

in

Gymnasio Saxo-Hennebergico,
quod Silusiae est,

ad diem 17. Septembr. A. MDCCX.

horis locoque consuetis

publicae disquisitioni subjicitur

Præside.

Friedrich Ernst Meis, SS. Th. D.,
Reverendissimi Serenissimiq; Ducis Saxo-Num-
burgici Confiliario Ecclesiastico, Superintendente
& Pastore, ut & Gymnasii Ephoro.

Respondente

JOHANNES GOTTLOB SCHUBARTO,
Weigsdorfio-Lufato, Gymnasii Alumno.

Typis G. W. Gœbelii, Ill, Gymnasii Typographi.

BT 132
M5



Verba Hebraica sunt :

כִּי הָאֱמֻנָה יֵשֵׁב אֱלֹהִים עַל-הָאָרֶץ הִנֵּה הַשָּׁמַיִם
וְשְׁמִי הַשָּׁמַיִם לֹא יִכָּל כְּלוּקָה אִם כִּי-הַבִּית הַזֶּה אֲשֶׁר בָּנִיתִי :

Chald. Paraphr.

כִּי בְקוֹשְׁטָא אֲתֵרְשִׁי וְיִי לְאַשְׁרָאָה שְׁבִינְתִּיהָ בְּנוּ בְנֵי אָנְשָׁא
דְּדִירִין עַל אֲרֻעָא הָא שְׁמֵיָא וְשְׁמֵי שְׁמֵיָא לֹא יִכְלוּן לְסוּבְרָא וְקָרֹךְ
אִם אֱלֹהִין בִּיחִיָּה דְּרִין דְּבִיתִי :

LXX.

ὅτι εἰ ἀληθῶς κατοικήσῃ ὁ Θεὸς μετὰ ἀνθρώπων ὅλη τῆς γῆς,
εἰ ὁ ἕρωνός καὶ ὁ ἕρωνός τῷ ἕρωνῃ ἐκ ἀγκύσαςί σοι, πλὴν καὶ ὁ οἶκος
ἔσται, ὃν ᾠκοδόμησα τῷ ὀνόματί σου.

B. Sebast. Schmid.

Num enim revera habitabit Deus super terra? En! coeli & coeli coelorum non comprehendunt te: multo minus domus hæc, quam ædificavi.

B. Luther.


Denn meinst du auch / daß Gott auf Erden wohne? Siehe / der Himmel und aller Himmel Himmel mögen dich nicht versorgen / wie solts denn diß Haus thun / das ich gebauet habe?

Versio Tigurina:

Dann sollte Gott auf Erden wohnen? Siehe / der Himmel und aller Himmlen Himmel mögend dich nit verschließen / noch begreifen: wie solts dann diß Haus thun / das ich gebauen hab?

Piscator:

Wiewol / sollte Gott warhafftig auf Erden wohnen? Siehe / der Himmel / und (zwar) der höchste Himmel / mag dich nicht fassen / vielweniger wirds diß Haus thun / das ich gebauet habe.



S. I.

IN hoc capite IIX. agitur tum de traducta Arca in ædem à Salomone recenter ædificatam, v. 1. - 9., tum de Nebula post illatam in Sanctum sanctorum Arcam Domum implente, quam impletionem Salomo signum gratiosæ Dei præsentia habebat, v. 10. - 14., & ideo fixis humi genibus longam instituebat orationem, in qua partim Deo pro hac gratia gratias agebat, partim orabat, ut Deus promissa impleret, precesque eum in finem, ut mala averterentur, & bona impetrarentur fundendas exaudiret, v. 15. - 54.; Dum vero Salomo petit precum exauditionem, quæ in Templo coram Deo forent effundendæ, per Occupationem v. 27., quæ merito Parenthesi includitur; nam facta hac Parenthesi optime cohærebunt antecedentia & consequentia, hoc modo: *Et nunc Deus Israel, verifecetur, quæso, verbum tuum, quod locutus es servo tuo, Davidi, Patri meo, v. 26., & respice preces servi tui &c. ut sint oculi tui aperti, v. 28.*, subjungit, quod quidem immensa Dei Majestas nullis spatiis possit definiri, neque ita arctis Sacrarum angustis, adeo, ut mera sit gratia, si Deus Templo huic singulari modo sit præsens, precesque in eo ad Ipsum directas exaudiat, cum Deus neque Jerusalem, neque Templo hoc, utpote habitaculo suo necesse habeat. Agitur ergo in textu nostro de Majestatis divinæ immensitate, quam nulla loci capere potest amplitudo, uti neque terra, neque cælum, ita multo minus angusta hæc domus; Nam Salomo hunc in modum à majori ad minus argumentaturus est: *Si maxima locorum amplitudo, qua-*

lis est terra & cœli, Majestatem divinam capere nequit, sequitur, ut multo minus minima amplitudo, qualis est hujus domi, id facere queat. Atqui prius est verum, ergo & posterius. Prætermissa Consequentia Majoris Propositionis habetur in textu nostro subsumptio, scilicet prius & posterius, quorum loco merito terminos *Antecedens* & *Consequens* substituimus.

§. II. Secundum Analysin Logicam tum Antecedens, tum Consequens resolvendum erit; Ad illud quod spectat, duabus hoc absolvitur propositionibus, quarum altera est: *Deus non habitat in terra*, quæ in partes propositionis Logicæ resolvitur, nim. *Subjectum*, *prædicatum*, & *modum prædicandi*.

§. III. Cumque particula connectendi *¶* inveniatur, hujus omnino etiam ratio est habenda: Potest autem explicari per *quamvis*, *quanquam*, uti hæc vox in aliis Scripturæ locis accipitur, Gen. 8, 21. 2. Sam. 2, 7. Jer. 4, 30. In qua sententia sunt non tantum Piscator, sicuti ex versione ipsius videre licet, sed & B. Noldius in Concordant, partic. Hebraic. p. m. 399., & alii, ut sensus verborum sit hic: *Quamvis certissimum sit, quod Deus in terra non habitet, neque hac, habitaculo suo opus habeat, & sic soli divine gratie sit adscribendum, quod in templo habitet; certe gratiosa est habitatio sive presentia.* Ex versione B. Lutheri & Sebast. Schmidii, quibus alii adstipulantur, constat, hos particulam *¶* vertisse per conjunctionem causalem, ut sensus sit: *Certissimum enim est, quod Deus in terra non habitet, tantum abest, ut hac necesse habeat, ut mera sit gratia, si Deus eam presentia sua dignetur, quam gratiam maximopere petit atque rogat Salomo, quod scil. perinet ad templum in terra edificatum.* Hæc mens priori non est contraria, sed utraque optime simul stare posse, & res eodem recidere videtur, an particula *¶* per *quamvis*, an per *nam* reddatur; Nisi velimus dicere, quod posterior sensum faciat planiorem, & vocabulum *¶* in sensu sicut famosiore, licet quis de priori dicere queat, eam magis schematicè, & sic ἐμφανικώτερος rem eloqui.

§. IV. In resolutione alterius propositionis, quæ per Interrogationem Rhetoricam effertur, §. 2. tradita, attendendum est primo

primo loco *subjectum*, quod est Deus, qui describitur *tum* à natura sua, ad quam pertinet Majestas, cui nemo neque in cœlo, neque in terra par est, v. 23. 24., veracitas, dum promissa servat, v. 24., omniscientia, v. 39.; Ipse enim corda hominum scrutatur & cognoscit; *tum* à gratiosa sua voluntate, quæ elucet ex promissionibus, v. 23., & earundem impletionem, v. 25. Et quidem Deus innuitur unitrinus, quia יהוה יחיד jungitur verbo singulari, quæ Constructio sensum manifestat distributivum hoc modo: Num persona quædam divina, Pater, Filius, Spiritus Sanctus habitat in terrâ? i. e. nulla è tribus Deitatis personis, neque Pater, neque Filius, neque Spiritus Sanctus, sed sicuti quælibet persona ejusdem est majestatis & gloriæ, & tanta majestas Patris est, ut nulla spatiorum etiam maximorum amplitudine, quanta, quanta ea sit, capi possit; Ita quoque Filii & Spiritus Sancti.

§. 5. Secundo loco perpendendum est prædicatum, quod h. l. negatur de subjecto, & est *habitare in vel super terra*. יושב generatim & proprie significat *commorari, sedem figere, habitare*, uti de Abrahamo Gen. 13, 12. dicitur, quod sedem fixerit, habitavitque in Canaan; & de Loth, quod Sodomæ commoratus fuerit, Gen. 19, 29.; Speciatim significat, *cum certo corporis situ manere*, h. e. *sedere*, sicuti de Salomone dicitur, eum sedisse in throno, 1. Reg. 2, 12., sedere, ut Secretarii, Consilarii aut judiciorum Assessores, Ps. 101, 6., quiete & tranquille in loco aliquo sedere, & permanere, Ps. 9, 8., summa felicitate in loco frui, Ps. 37, 27., dominari, regnare, gubernare, Exod. 31, 5. c. 18, 13. 14., adesse cum gratiosa operatione, ita, ut quis alterum regat, protegat, tueatur, Ps. 29, 10. De Deo hoc vocabulum usurpatum significat vel præsentiam divinam universalem, quæ tamen nunquam sine operatione est, Ps. 9, 5., vel præsentiam Dei specialem & gratiosam, Esaia 37, 16. Ps. 80, 2. Quando igitur h. l. de Deo negatur, eum habitare super terra, non sermo est, vel de præsentia Dei universali, qua Deus non solum infinita sua adessentia cœlum & terram replet, verum etiam conservatione & divina sua providentia eadem

eadem implet, ut vi hujus impletionis in ipso vivamus, moveamur & simus, Actor. 17, 28.; Nam universalem hanc præsentiam de Deo negare, idem esset, ac divinam Essentiam destruere, & Spiritui Sancto, qui clarissimis locis omnipræsentiā adstruit, in os contradicere; Vel de speciali & gratiosa, juxta quam Deus in piis habitat, & longe est ab impiis, vi cujus Deus arctius sanctis, templis suis, inhabitat, benigneque apud ipsos operatur in beneficiorum spiritualium collatione; Gratiōsam enim hanc præsentiā Salomo v. 12. sibi expetit, adeoque hoc versu 27. eandem, nisi absurdus esse velit, negare nequit. Ergo sensus verborum non est hic: Deus non habitat in terra, ut illi sit ubique præsens, eandem conservet, regat & gubernet; Neque hoc vult dicere Salomo: Deus nequiquam habitat super terra, ut piis gratiosè sit præsens, inque iis omnia bona operetur; sed tum de præsentiā locali & circumscriptivā, quæ expansionem, diffusionem, commixtionem & localem inclusionem infert, qua præsentiā homo præsens esse dicitur, quo respexisse videntur LXX., addentes: *μετὰ πάντων*; tum definitivā, ut possim definire, quod quis hic sit, v. gr. in terra, non autem alibi, qua præsentiā gaudent Angeli. Utramque præsentiā negat Salomo de Deo, ipsique habitare super terra dicitur, idem ac terræ ita præsens esse, ut ea sit instar domus vel domicilii, in quo Deus commoretur, fixam habeat sedem, illaque domo includatur, & nullibi etiam præsens sit, quam in terra, ut hæc divinam Majestatem capiat, sicuti homo in certo & reali aliquo loco commorari dicitur; Hic enim in domo sua commorans & sedens, in alia domo esse prorsus non potest. Additur vocabulum **DOMUS** revera; Nam non sermo est de apparenti aliqua præsentiā, sed de vera & reali. Sic quando Filius Dei in visibili & humana *ὑποστατικῇ* assumpta forma Abrahamo, Loth & aliis apparebat, tunc videbatur Majestas filii Dei, quæ utique immensa quoque est, importatque ubiētatē interminabilem, qua non potest non essentia sua ubique esse, tantum adeste in domo Abrahami, vel Lothi, vel aliorum, alibi autem non.

sed

sed huic domui inclusa, enimvero videbatur tantum talis præsencia, revera talis non erat. Includebatur quidem Filius Dei, quod attinet ad assumptam formam, non ad divinam Majestatem. H. l. quæstio est de præsencia revera tali, ratione immensæ Dei Majestatis, non assumptæ alicujus visibilis humanæ formæ, hoc sensu: Num Deus, immensa Dei essentia, in se ipsa & ratione sui ipsius, non externæ assumptæ formæ considerata, in terra revera, non apparenter in assumpta humana forma, habitabit? Adductus sensus elicitur, & colligitur ex sequentibus verbis; Uti de cœlis dicitur, quod majestatem non capiant, ita de terra; Jam cœli non capiunt Majestatem divinam, ut sint domicilium, sive locus, in quo Deus solum, & non simul ubique præsens sit, eundem in modum Deus in terra habitare negatur.

§. VI. Modus prædicandi tertio loco est considerandus, qui est negativus, quem infert interrogatio per π interrogativum facta, quæ hoc modo absolute negare solet hoc sensu: Deus plane non habitat in terra hoc modo, ut hujus spatiis includatur, neque alibi vel ubique præsens sit. Fortius igitur Salomo prædicatum de Subiecto negat, quàm si nude hæc posuisset verba: *Quamvis Deus revera non habitet in terra.* Deinde, quia futurum ponitur, ita negat Salomo, ut excludat omne tempus, hoc sensu: Deus non in terra habitavit, neque habitat, neque habitabit, ut tantum in ea præsens sit, neque simul adsit ubique.

§. VII. Altera propositio, quæ prioris causâ hoc sensu censerî potest: Terra non capit divinam Majestatem; Nam ecce cœli, utpote multo vastius corpus, id non faciunt, & per $\pi\alpha\nu\omega\epsilon\delta\alpha\sigma\iota\nu$ priori annectitur, id quod ex particula *en*, vel *ecce*, cognoscitur, in has resolvitur circumstantias: (α) *quis*, (β) *quid*, & (γ) *quomodo* non comprehendat?

§. VIII. Circumstantiam *quis* constituunt verba, השמי השמי השמי , cœlum & cœli cœlorum. Cœlum vel est *naturale*, vel *supernaturale*. Illud vel est *aëreum*, i. est aër cœlum
B ambi-

ambiens; vel *sydereum*, five *æthereum*, quod est cœlestē corpus elementa claudens & ambiens, Gen. 1, 15.; Hoc, scil. supernaturale, vocatur (a) *cœlum majesticum*, i. e. divina gloria & infinita majestas, quo sensu passim dicitur Deus esse in cœlis, cœlum Dei sedes, Ps. 113, 1., Dei sella, Jes. 66, 1., Dei habitaculum, Devt. 26, 15.; (b) *status beatorum cœlestis*, Matth. 18, 10.; (c) *status beatorum Angelorum & animarum*, quod cœlum etiam Christus ingressus est, verum quale & ubi illud sit habitaculum, ignoramus. Scholastici hoc Empyreum appellant, & depingunt, quod supra omnes cœlos stellatos sit possum, spatiosissimum, lucidissimum, & localibus mansionibus distinctum, tantæ altitudinis, ut statuant, lapidem molarem vix 74. annorum spatio inde delabi posse. cui sententiæ favet & consentit Danæus, dicens, quod Christus homo, ut rex, in augustissima regni sui arce, amplissima domo, palatio & aula habitet, & libere, si velit, cum Angelis & beatis Spiritibus spatietur, vid. ejusdem Respons. ad Laun. Spong. in Oper. p. 153., quod cœlum B. Lutherus vocitat den Gauckel-Himmel; (d) *ipsi sancti in cœlis*, Job. 15, 15. Cum igitur h. l. cœli à cœlis cœlorum, & vicissim hi ab illis distinguuntur, id quod etiam in aliis Scripturæ locis fieri solet, Devt. 10, 14., 2. Paral. 2, 5., c. 6, 18., non una interpretum est sententia. Ut de cœlis cœlorum primum dicamus, Munsterus in Ps. 148, 4. affert hæc, quæ & Clarius in eundem Psalmum adducit: *Sunt apud Hebræos, qui per cœlos cœlorum intelligunt: אֲשֶׁר תַּחַת הַשָּׁמַיִם*, i. e. *cœlos*, qui sunt sub cœlis, h. e. regionem ignis & aëris. Contra Drusius cum Grotio in caput 10. Devteron. v. 14., per cœlos cœlorum innuit statuit supremum cœlum supra aërem, ætheremque cœlum tertium, sedem Angelorum & divinæ Majestatis; Verba citati Drusii in Devteron. c. 10, 14. sunt hæc: *Tres cœli memorantur in divinis libris, aëreum, quod omnes tres regiones aëris comprehendit, quorum infimus proprie cœlum vocatur, i. e. samaim, quoniam est inter aquas inferiores & superiores. 2. Sidereum five stelliferum cœlum est illud, in quod sunt sidera vel stellæ. Tertium cœlum, in quod raptus fuit Apostolus noster, est, quod hic vocat cœlum cœli.* Hoc Gaspar.

Sanctius in locum nostrum empyreum nominat: *Ad hunc modum*, dicens, *cæli cælorum*, aut *cælum cælorum illud dicitur cælum*, quod summum & splendidissimum est, aut certe quod alios cælos suo complexu continet, & quodammodo fovet. Hoc vero cælum summum est & empyreum, quod ut inferiores cælos ambit & continet, sic etiam necesse est, ut alia omnia, sive cælestia, sive elementaria corpora infinitis prope spatiis antecellat. De illo sane cælo, in quo Dei est stabilis & magis nota sedes, loquebatur David Ps. 67. v. 36. B. Gejerus in Ps. 148. 14. cælos cælorum explicat per altissimos cælos, uti & Vinarientes in locum nostrum, & Deuter. 10, 14. per allerhöchster Himmel; Nam cæli cælorum juxta idiotismum Linguae sanctæ dicuntur, qui præstantia, magnitudine & altitudine alios antecellunt, sicque est cælum altissimum & summum, sicuti sancta sanctorum, i. e. locus omnium sanctissimus, vanitas vanitatum, i. e. summa vanitas. Inde Vatablus in locum nostratē hęc commentatur: *Per cælum intelligitur totum hoc spatium*, quod nobis apparet, usque ad spheram Lunæ, per cælos cælorum totus ambitus firmamenti. *Atque hoc ad notandam summam altitudinem additur, vel immensitatem, quæ supra primam superficiem eminet.* Ut mentem nostram aperiāmus, dicimus; h. l. non locum invenire sententiam, quæ per cælos cælorum intelligit cælum aëreum, nam oratio augetur, & ἀναέως instituitur, ita, ut posterius semper plus indicet, quam prius; Nam ἀναέως est, cum per gradus ab infimis ad summa imus. Primum dixerat Salomo de terra, quod ea Majestatem divinam non capiat, deinde de cælo, & cælis cælorum ipsi sermo est; Vi autem ἀναέως Salomo primo loco non poterat loqui de cælo æthereo, quippe quod spatiis & amplitudine aëreum multo superat, sed ipsum oportebat primum loqui de cælo aëreo, deinde æthereo, aliās inconveniens sermonis fieret incrementum, h. m. Terra non capit majestatem, summum & amplissimum corpus, cælum æthereum eam non capit, cælum aëreum, quod tam vastum & amplum non est, quàm æthereum, illam non capit. Qualis hæc esset ἀναέως? certè incommoda & absurda; Neque locus relinqui potest huic

sententiæ, quæ cœlum cœlorum explicat de cœlo beatorum, vel cœlo empyreo, quod non datur, illud autem incognitum est; Salomo enim loquitur de corporibus, quæ à nobis conspici possunt, & in sensus nostros incurrunt, affirmatque nullum horum, neque vastissimum, majestatem divinam capere. In probanda hac propositione terram, corpus nobis visibile, & cœlum ratione vastitatis & amplitudinis invicem confert, atque sic de alio cœlo haut loquitur, quàm nobis visibili, id quod neque de cœlo beatorum, neque empyreo dici potest. Adstipulamur ergo illi sententiæ, quæ per cœlos cœlorum intelligit cœlos altissimos, & sic firmamentum cœli, sive cœlum æthereum, & per cœlum, aëreum, quæ sententia est simplicissima & certissima.

§. IX. Circumstantia *quid* continetur in suffixo ך te, & innuitur DEUS, qui §. IV. secundum contextum descriptus est.

§. X. Circumstantia *quomodo* his absolvitur vocabulis: הנה לא יכלולך, en! non comprehendunt te. Verbum quadratum כלכל ponitur, quod significat, sustinuit, sustentavit, cepit, continuavit, à radice כלל, mensuravit, comprehendit, Lutherus vertit: versorgen / sicuti in aliis Scripturæ locis I. Reg. 4, 7., c. 17. 4., c. 20, 27., ut hoc modo sensus sit: Non sufficient cœli, ut in illis habitaculum Dei tanta majestate, dignum parari possit, quemadmodum dicitur: Parva oppida non sufficiunt suis exiguis habitaculis pro regibus, mit den kleinen Hütten in den kleinen Städten kan man die Könige nicht gnugsam versehen und versorgen / vid. B. Frantz. de Interpret. Scripturæ Orac. 125. p. 780. seqq., ad hanc significationem Lutherus respicit, & juxta hanc mentem Salomo hoc dicere vult: Cœlum, habitaculum Dei, partim tanta majestate indignum, partim nimis angustum est, i. e. cœli tantam Majestatem ferre neque sufficienter digni sunt, neque eam amplitudine sua capere possunt, vel Majestatem divinam cœlis includere indignum & impossibile est; Negatur autem de Deo comprehensio non tantum circumscriptiva, sicuti corpora certus locus

comprehendit, ibique illa includuntur, & extremitatibus suis circumscribuntur, sed & definitiva, qua possum dicere, subjectum aliquod esse hic & non alibi, i. e. cœli non sufficiunt ad capiendam immensam Dei Majestatem, ut Deus his præsens sit, & non simul omnibus spatiis, ubicunque talia sunt, ad utramque comprehensionem respexit, versio figurina, vocibus verschließen/ begreifen. Negatur ejusmodi comprehensio divinæ Majestatis simpliciter & certissimè per vocem הנה, i. e. certo, omnino, cœli prorsus non comprehendunt, neque unquam comprehenderunt, neque comprehendent, nam verbum futurum actum indicat continuum, id quod admirandum, non autem scrutandum, neque intellectu nostro comprehendendum est, sicuti vox En! hoc requirit, & in aliis Scripturæ locis hunc significatum obtinet, Es. 7, 14., Ps. 134, 1.

§. XI. *Consequens* est: Multo minus domus hæc, quam ædificavi, sufficit, i. e. terra & cœlis indignior & angustior est, ut divina Majestas ibi habitet, uti homo in domo quadam. In Consequenti hoc ad duas iterum circumstantias respectus est habendus, nim. *quid & quomodo*. Circumstantia *quid* latet in vocibus: הנה, eadem hæc domus, eadem, quam ædificavi, digitis ad templum recens extructum Salomo intendit, quod quidem erat splendidissimum & pretiosissimum; Nulli enim labori, nullique sumtui, uti ex ipsa descriptione patet, Salomo pepercerat, id quod ex secundi templi ædificatione colligere licet, nam Judæi ex captivitate Babylonica reduces in maximum conjiciebantur mœrorem, quod posterius hoc templum neque pretiositate, neque splendore suo priori esset simile. Dicata & consecrata erat hæc domus divino nomini, in gloriam divinam, ut Deus gratiose illi adesset, v. 13. 19. seqq. Circumstantiam *quomodo* complectuntur duæ hæc particulæ כִּי, multo minus. *Interdum* quidem hæ particulæ significant quanto magis, 1. Sam. 14, 30., 2. Sam. 4, 11., *interdum* quanto minus, Ezech. 15, 5., Prov. 17, 7.; Nam in collatione rerum affirmativa valet quanto magis, in negativa, uti h. l., quanto minus, vid. B. Glass. Philol. S. L. 3, tract. 7. c. 4.

p. m. 91. Sensus igitur est : Si tanta spatia non sufficiunt, ut majestatem tuam comprehendant, veluti id probatum & explicatum est, multo minus angusta & exilis hæc domus, consequenterque gratiæ tuæ solum adscribendum est, si huic domui sis præsens, & quidem gratiosa tua præsentia. Quando igitur Salomo v. 13. dicit : *Ædificando ædificavi domum habitationis Tibi ; sedem, in qua habitas per secula*, sensus non est hic, quod hæc domus Deo talis sit habitatio, qualis est homini, ac hoc modo Majestas divina eadem comprehendatur, ut nullibi Deus, quàm huic domui, sit præsens, nequitiam, nam hanc non esse Salomonis mentem, ex dicto nostro dilucide constat, adeoque verba accipienda sunt de habitatione gratiosa, i. e., ut domus hæc sit habitatio & sedes, vel ejusmodi locus, cui Deus gratia sua semper sit præsens.

§. XII. Atque sic firmiter contra Benedictum Spinosa colligitur, Deum non esse rem extensam, sicuti ipse in Ethica sua part. II. Propos. XI. docet, dicens : *Per corpus intelligo modum, qui Dei essentiam, quatenus ut res extensa consideratur, tertio & determinato modo exprimitur* ; & prop. II. : *Extensio attributum Dei est*, sive, *Deus est res extensa* ; Nam secundum textum nostrum Deus est immensus, & immensitas hæc divina est ubiætas interminabilis, vel simplex adestendi interminabilitas, ita, ut removeatur omnis expansio, diffusio, commixtio, & localis inclusio, conspiciaturque simplex adestentia in omnibus locis, absolute interminabilis. Juxta locum nostratem Deus in omnibus locis adest, non *συνεκτός*, ut comprehendatur, sed *συνεκτικώς*, ut comprehendat loca omnia. Si itaque Deus esset res extensa, omnimodo expanderetur, diffunderetur, commisceretur, localiter includeretur, & comprehenderetur, quod expresse in textu nostro negatur, vid. B. Calov. tom. 2. System. Theol. c. 8. p. m. 80. seqq. Et hoc modo tota Dei essentia destrueretur, Deumque esse, sicuti in verbo suo sese revelavit, negaretur, quapropter dictus Spinosa merito inter atheos refertur.

Confer B. Kortholt. de tribus impostoribus

p. 177. seqq.

SOLI DEO GLORIA.



BT
132
.M5

Meis, F. E.

Brevi explicatio...

345531

345531

UNIVERSITY OF CHICAGO



51 776 246